



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

ii La vie de s. Etienne Papr & mart.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)



## LA VIE DE SAINT ESTIENNE

Pape &amp; Martyr.

2.  
Aov.

**S**aint Estienne Pape & Martyr, premier du nom, estoit Romain, fils de Iules, & à cause de ses grands merites, d'Archidiacre de l'Eglise de Rome, il fut esleu Pape apres la mort de Luce, sous l'Empire de Valerian & Galien son fils, lesquels durant son Pontificat persecuterent cruellement l'Eglise, & plusieurs Chrestiens estoient cachez & mis en quartiers avec des tourmens inouïs: les vns estoient tellement intimidez & vaincus de leur foiblesse, qu'ils preuariquoient en la foy: les autres se cachoient dans les grottes & caueres, voire mesmes les sepulchres des morts, desquels ils receuoient vne meilleure compagnie que des viuans. Le saint Pontife Estienne fut l'un de ceux-là, lequel ayant oüy dire que les Empereurs auoient fait publier, & intimidé pourroit deceler ou accuser vn Chrestien auoit sa confiscation, & outre seroit recompensé des charges militaires, assembla le Clergé de Rome, & leur dit: Mes freres & Soldats de Iesus-Christ, vous auez desia oüy parler de l'Edict impie & diabolique que les Empereurs ont publié contre nous, pour nous despoüiller de nos biens & de nos vies: voicy maintenant le temps de mespriser les richesses de la terre, de peur de perdre celles du Ciel: ne craignons point les Princes du monde, mais seulement le Seigneur qui est Dieu du Ciel & de la terre Iesus-Christ, lequel nous deliurera de tous ces ennuis & tribulations; & si nous mourons pour luy, nous serons bienheureux. Par telles & semblables paroles le S. Pontife les animoit en la caue où ils estoient cachez; baptizant, preschant & administrant les Sacrements aux fideles avec plusieurs miracles, en tesmoignage de nostre sainte foy: entr'autres il rendit la veue à vne fille nommée Lucile, fille du Tribun Nemesse, lequel se fit Chrestien, & fut ordonné Diacre, depuis luy & sa fille furent Martyrs de nostre Seigneur Iesus-Christ, & resperdirent leur sang constamment pour sa tres-sainte foy & plusieurs autres qui auoient esté conuertis & baptizez par le Pape Estienne meriterent la couronne du martyre, entr'autres Sempronse seruiteur de Nemesse, Olympe, Euxure sa femme, Tertulian, & douze Prestres, dont voicy les noms: Fauste, Maur, Primitif, Colonne, Exuperance, Iean Cyrille, Honoré, Theodose, Basile, Castule & Donat: mais les Empereurs ayans descouuert que le Maistre & Pere de tous ces Martyrs estoit le saint Pape Estienne, qui faisoit le plus de resistance, preschât hardiment la Religion Chrestienne, sans faire cas de leurs Edicts & commandemens, ils conceurent vn grand courroux cõtre luy, & enuoyerent vne troupe de soldats pour le prendre, luy & tous les Prestres qu'ils trouueroient avec luy. Il fut pris avec vn grand nombre de Prestres, Diacres, & Clercs, & mené deuant l'Empereur Valerian: & apres auoir vn peu discouru avec luy, par son

commandement il fut conduit au Temple de Mars, pour y sacrifier, ou a faire de ce faire, d'estre condamné à mort. Le saint Pape y estant, leua les yeux au Ciel en prescende tous les Ministres de l'Empereur qui le suiuoient, & fit ceste priere du profond du cœur, les larmes aux yeux: Seigneur Dieu, Pere de mon Sauueur & Redempteur Iesus-Christ, qui renuersastes de vostre bras puissant la Tour de Babylone; ie vous supplie humblement de destruire ce lieu auquel le diable est estimé Dieu, & l'impieté & superstition silibrement exercée. A peine eust-il acheuè ces paroles, qu'on entendit vn tonnerre espouventable, & le foudre tomba du Ciel qui ruina vne grande partie de ce Temple de Mars, les soldats & bourreaux s'enfuirent tous esperdus, & laisserent le Pape Estienne libre, & tous les Chrestiens qui estoient avec luy, lequel les mena dès l'heure au cimetiere de la bien-heureuse Lucie, où il exhorta les Chrestiens de ne perdre point courage pour les tourmens & intimidation des tyrans, desquels le pouuoir ne se peut estendre plus auant que le corps & la vie temporelle. Pour les animer dauantage, & obtenir grace de Dieu, il dit Messe, durant laquelle neuf soldats vindrent de la part de l'Empereur pour le prendre; encore que le S. entendit le bruit, & le tumulte des gens de guerre, & à quelle fin ils venoient, il ne s'altera, ny ne se troubla aucunement, au contraire, il acheua deuotement à louer le saint Sacrifice de la Messe qu'il auoit commencé; auquel lieu estant deuant l'Autel assis en sa chaire, ils luy couperent le col le deusiesme iour d'Aoust, l'an de nostre Seigneur 260. sous l'Empire de Valerian & Galien, son corps avec le siege dans lequel il fut decapité, tout rouge de son sang, fut enterré dans la mesme caue, dans le cimetiere de Calixte. Il tint la Chaire de saint Pierre, trois ans, trois mois, & vinge-deux iours, il fit les Ordres deux fois, au mois de Decembre, esquels il institua six Prestres, cinq Diacres, & trois Euesques. Il y a vn Decret de ce saint Pape, par lequel il commande que les vestemens desquels on se sert à dire la Messe, soient honnestes & sacrez & que personne n'en vïe ny les touche, s'il n'est sacré, & en vn lieu saint, de peur qu'il ne luy arriue comme au Roy Balthazar, qui pour auoir prophané les vaisseaux du Temple, sentit bien tost decocher sur luy la vengeance du Ciel: il deffendit aussi qu'aucun homme infame fust admis aux charges Ecclesiastiques. Du temps de ce saint Pontife, il se leua vne grande bourasque & trouble en l'Eglise, parce que plusieurs Euesques & saints presonnages, entre autres saint Cyprian Africain, saint Denis Euesque d'Alexandrie en Orient furent d'aduis que ceux qui auoient esté baptizez par les Heretiques, lors qu'ils se conuertissoient à l'Eglise Catholique, deuoient estre baptizez, ne tenans pas le Baptesme des Heretiques pour vray & legitime, neantmoins le Pape saint Estienne leur resta avec tant d'autorité & de resolution, qu'ils se rendirent, & assujettirent tous à ce



qu'il en ordonna, comme souverain Pasteur, & chef de l'Eglise Catholique, à sçavoir que quand les Heretiques en leur Baptesme gardent la forme & intention de la sainte Eglise donnée par Iesus-Christ, que le Baptesme est vallable, & qu'il n'est besoin de le reiterer. De cet acte de S. Estienne Pape, Vincent de Lirins parle ainsi: Alors que tous rebutoient la nouveauté, & tous les Presbres repugnoient à ce que l'on vouloit introduire, le Pape Estienne, d'heureuse memoire, qui tenoit le saint Siege Apostolique, resista à tous ses autres compagnons, estimant (comme ie croy) qu'il devoit autant surmonter la devotion à nostre foy, que tous les autres, qu'il les surpassoit en dignité & preeminence: & escriivit vne Epistre, que nous ne devons rien innover, ains seulement conserver ce qui a esté approuvé par nos Peres: carce n'est pas à nous à mener la Religion comme nous voulons, mais bien la suivre où elle va: & c'est le propre de la modestie & gravité Chrestienne, de n'en enseigner nostre doctrine à nos successeurs, ains de leur laisser, & conseruer celle que nous avons receuë de nos ancestres.

Voilà ce que dict Vincent de Lirins parlant de l'authorité & constance avec laquelle saint Estienne s'opposa à ceux qui vouloient introduire en l'Eglise ceste nouveauté, encores qu'ils le fissent d'un bon zele & croyans bien faire. Il faut aussi remarquer le chastiment que Dieu fit de l'Empereur Valerian, à cause de la cruauté dont il usa contre le saint Pape Estienne, & les autres fideles membres de l'Eglise: car cet Empereur qui avoit auparavant esté fort humain & benin aux Chrestiens, pendant lequel temps il avoit grandement fleury & prospéré, depuis qu'il se laissa piper & tromper par un Nigromancien, & commença à les persecuter, il endura plusieurs calamitez, & sembla que le Ciel & la terre, & tous les elements eussent conspiré contre luy. Finalement en vne bataille qu'il eut contre Sapor Roy de Perse, il fut vaincu, puis enchaîné, & traité si honteusement, que chaque fois que le Roy de Perse vouloit monter à cheual, il luy marchoit sur le dos au milieu du montoir, & quelques lettres de faueur que les autres Princes peussent escrire, il demeura en ceste captivité & miserable servitude, iuqu'à ce qu'il le fist escorcher tout vif, & le fit faller comme un porc. Telle est la fin que nostre Seigneur donne quelquefois pour servir d'exemple aux autres qui persecutoient ainsi la verité: voyla où aboutissent souvent leurs conseils, astuces, & outrages. Nonobstant ceste punition diuine de l'Empereur Valerian, son fils Galien n'en deuint pas plus sage, & ne fit pas grande diligence de retirer son pere.

La vie de saint Estienne Pape & Martyr, est écrite es actes des Notaires de l'Eglise Romaine, qui ont esté traduits par Metaphraste, & sont rapportez par le Cardinal Baronius.

A Rome au cimetiere de Caliste, qui est sous l'Eglise Saint Sebastian, gist Saint Estienne Pape & Martyr, lequel succeda au Pontificat à Lucie & durant la persecution de Valerian, comme il dist la Messe, fut surprins par certains soldats: nonobstant la venue de lesquels il persista, & finit son sacrifice, & puis fut decapité sur son propre siege. A Nicée en Bithynie endura Saint

Theodote, avec ses trois fils, le plus aisné desquels nommé Euode, confessant hardiment la Foy de nostre Sauveur, fut par le commandement du gouverneur Nicerie, battu à coups de bastons, & puis jetté au feu, avec sa mere & ses freres. En Affrique S. Rutlie martyr, ayant par plusieurs fois eschappé le martyre, passant finement d'un lieu à l'autre, & quelquefois mesme payant rançon pour eviter la mort, fut en fin pris au despourveu, présenté au President, tourmenté en divers façons, & en fin bruslé. A Padoue se fait la feste de Saint Maxime Evesque & Confesseur, lequel a fait plusieurs miracles.

2.  
Aov.

DE L'INVENTION DES CORPS  
saint Estienne premier Martyr, Gamaliel,  
Nicodeme, & Abibon.



E corps du glorieux saint Estienne premier Martyr, fut longtems caché, sans que l'on sceut où il estoit, iusqu'à ce qu'il pleût à nostre Seigneur de le reveiler, du temps des Empereurs Honoré, & Theodose le ieune son nepveu, l'an de nostre salut quatre-cens quinze. Ceste revelation fut faite au Prestre Lucian, lequel raconte toute l'histoire en vne Epistre (de laquelle plusieurs bons autheurs font mention) qu'il escriivit en Grec, & Auite Prestre Espagnol, la tourna en Latin; qui contient en somme, Que la nuit d'un Vendredy, troisieme iour de Decembre, Lucian dormant dans le Presbytere, où il couchoit d'ordinaire pour mieux garder son Eglise, & survenit aux necessitez de ses paroissiens, un venerable vieillard s'apparut à luy revestu d'habits Sacerdotaux, ayant vne longue barbe blanche, & vne estoille brochée de petite pierres precieuses enchassées en or, & mises en forme de Croix, avec vne verge d'or en sa main, & s'approchant de Lucian, il le toucha de sa verge, & l'appella par trois fois, disant: Lucian, Lucian, escoute-moy Lucian: puis il luy dit en Langage Grec, qu'il s'en allast trouver Jean l'Evesque de Hierusalem, pour l'aduertyr, de chercher les corps saints qui estoient tout ioignant un hameau nommé Cafargamale, afin de les mettre en un lieu plus decent: Car Dieu avoit esté flechy par leurs prieres à faire du bien au monde, qui estoit en grand danger de se perdre, à cause des grands pechez & abus qui s'y commettoient tous les iours.

Lucian demanda à ce venerable vieillard qui il estoit, & de qui estoient ces corps qu'il falloit chercher: il luy respondit qu'il s'appelloit Gamaliel, celuy qui avoit enseigné en Hierusalem saint Paul l'Apostre de nostre Sauveur & Redempteur Iesus-Christ, & que celuy qui estoit dans le monument avec luy du costé d'Orient, c'estoit le bien-heureux Martyr S. Estienne, qui fut lapidé des Juifs, duquel il avoit fait enlever le corps, & enterrer en ceste sienne maison des champs, esloignée de sept à huit lieues de Hierusalem, & qu'en autre cercueil & sepulchre estoit le corps de Nicodeme, lequel à cause qu'il s'estoit fait baptizer, & estoit l'un des disciples

3.  
Aov.